

У куннинг рўзасини тутишга ҳаракат қиласилик!



**У куннинг рўзасини тутишга
ҳаракат қиласилик!**

02:00 / 07.08.2022 2261

Оиша розияллоҳу анҳодан ривоят қилинади:

**«Қурайш жоҳилият даврида Ашуро куни рўзасини тутар эди.
Расууллоҳ соллаллоҳу алайҳи васаллам ҳам жоҳилият даврида
унинг рўзасини тутар эдилар. Мадинага келганларида ҳам унинг
рўзасини тутдилар ва тутишга амр қилдилар. Рамазон фарз
қилингач, Ашуро куни (рўзаси)ни тарқ қилдилар. Бас, ким хоҳласа,
тутар, ким хоҳласа, тарқ қилар эди».**

Тўртовлари ривоят қилганлар.

Ушбу ривоятда Оиша онамиз розияллоҳу анҳо Ашуро куни рўзасининг
тариҳига оид маълумотларни келтирмоқдалар.

Қурайш мушриклари ҳам Исломдан олдинги жоҳилият даврида Ашуро куни
рўзасини тутган эканлар.

Пайғамбаримиз Муҳаммад соллаллоҳу алайҳи васаллам ҳам ўзларига
ваҳий келиб, Пайғамбар бўлгунларича Ашуро куни рўзасини тутар эканлар.

У зот соллаллоҳу алайҳи васаллам Мадинаи мунавварага ҳижрат қилиб келгандаридан кейин ҳам бир йил Ашуро рўзасини тутганлар.

Кейин эса ҳижратнинг иккинчи йили Рамазон рўзаси фарз бўлганда Ашуро рўзасини тарқ қилиб, Рамазон рўзасини тутганлар. Одамлардан хоҳлаганлари Ашуро рўзасини тутганлар, хоҳламаганлари тутмайдиган бўлганлар.

Шу ерга келиб, Оиша онамизнинг ривоятлари тамом бўлади. Аммо биз аввал ўрганган ҳадисларимиздан кўринадики, Расулуллоҳ соллаллоҳу алайҳи васаллам вафотларидан бир йил олдин Ашуро рўзасини тутганлар ва тутишга амр қилганлар. Шундай қилиб, бу қуннинг рўзаси суннати муаккада бўлиб қолган.

Ибн Аббос розияллоҳу анхудан ривоят қилинади:

«Набий соллаллоҳу алайҳи васаллам Мадинага келиб, яхудийларнинг Ашуро куни рўзасини тутаётганларини кўрдилар ва:

«Бу нима?» дедилар.

«Бу солиҳ қундир. Бу кун Аллоҳ Бани Исроилни душманидан қутқарган кун. Ўшанда Мусо унинг рўзасини тутган», дейишди.

У зот соллаллоҳу алайҳи васаллам:

«Мен сизлардан кўра Мусога ҳақлироқман», дедилар ва унинг рўзасини тутдилар, тутишга амр қилдилар».

Учовлари ривоят қилганлар.

Ушбу ривоятдан мусулмонлар Аллоҳ юборган олдинги пайғамбарларга уларга эргашишни даъво қилаётганлардан кўра ҳақлироқ эканликларини кўрамиз.

Шу билан бирга, Ашуро куни улуғ кун эканлиги, у кунда Аллоҳ таоло Мусо алайҳиссалом бошлиқ Бани Исроилга ўз душманидан нажот берганлигини билиб оламиз.

Шунинг учун ҳам Мусо алайҳиссаломга эргашиб, у қуннинг рўзасини тутиш шариатимизга киритилган. Қолаверса, бу иш Пайғамбаримиз соллаллоҳу алайҳи васаллам ўzlари қилган ҳамда сиз билан бизларга амр қилинган ишдир.

Шунинг учун ҳар йили Мұхаррам ойининг түққизинчи ва ўнинчи кунлари рўзасини тутишимиз лозим.

Абу Мусо розияллоҳу анҳудан ривоят қилинади:

«Хайбар аҳли Ашуро кунининг рўзасини тутар, уни ийд қилиб, аёлларига ўша кунда тақинчоқларини тақтирас, ясантирас эдилар.

Бас, Расулуллоҳ соллаллоҳу алайҳи васаллам:

«Сизлар унинг рўзасини тутинглар», дедилар».

Икки Шайх ривоят қилганлар.

«Хайбар» Мадинаи мунавварага яқин жой бўлиб, у ерда яҳудийлар истиқомат қилас, эдилар.

Хайбар яҳудийларининг Ашуро куни рўза тутиб, байрам қилишлари у куннинг улуғ кун эканлигидандир. Улар Пайғамбар Мусо алайҳиссаломни улуғлаб рўза тутганликлари аввалги ҳадисда зикр этилган эди.

Бу ҳадисдан эса уларнинг бу куни рўза тутибина қолмай, ҳайит ҳам қилишларини, аёлларининг ясаниб, тақинчоқларини тақиб юришларини кўряпмиз.

Мусулмонлар Мусо алайҳиссаломга яҳудийлардан кўра ҳақлироқ бўлганларидан у зот қилган ишга, Ашуро рўзасини тутишга амр қилиндилар. Шунинг учун Пайғамбаримиз соллаллоҳу алайҳи васалламнинг кўрсатмаларига амал қилган ҳолда ҳар биримиз у куннинг рўзасини тутишга ҳаракат қилишимиз лозим.

«Ҳадис ва ҳаёт» китоби асосида тайёрланди